
OFFERYNNAU STATUDOL CYMRU

2022 No. 804

**Rheoliadau Iechyd Planhigion etc. (Ffioedd)
(Diwygio) (Cymru) (Ymadael â'r UE) (Rhif 2) 2022**

Enwi a chychwyn

1. Enw'r Rheoliadau hyn yw Rheoliadau Iechyd Planhigion etc. (Ffioedd) (Diwygio) (Cymru) (Ymadael â'r UE) (Rhif 2) 2022 a deuant i rym ar 22 Gorffennaf 2022.

Diwygio Rheoliadau Iechyd Planhigion etc. (Ffioedd) (Cymru) 2018

2.—(1) Mae Rheoliadau Iechyd Planhigion etc. (Ffioedd) (Cymru) 2018(1) wedi eu diwygio fel a ganlyn.

(2) Yn rheoliad 3 (ffioedd arolygu mewnforio)—

(a) ym mharagraff (1)—

(i) yn lle'r geiriau “a ddisgrifir yn” rhodder “sy'n dod o fewn”;

(ii) hepgorer y geiriau o “neu unrhyw beiriannau” hyd at y diwedd;

(b) yn lle paragraff (2A) rhodder—

“(2A) Yn ddarostyngedig i baragraffau (2B), (2C) a (2E), y ffioedd sy'n daladwy gan fewnforiwr llwyth o drydedd wlad mewn cysylltiad ag atebolrwydd am wiriad ffisegol a gwiriad adnabod y caniateir eu cynnal ar y llwyth (pa un a gynhelir unrhyw wiriad o'r fath ai peidio) yw, pan fo llwyth yn cynnwys planhigion, cynhyrchion planhigion neu wrthrychau eraill o ddisgrifiad a bennir yng ngholofn 1 o'r tabl, sy'n tarddu o wlad a bennir yn y cofnod cyfatebol yng ngholofn 2 o'r tabl—

(a) y ffi a bennir yng ngholofn 3 o'r tabl mewn cysylltiad â gwiriad ffisegol o blanhigion, cynhyrchion planhigion neu wrthrychau eraill o bob disgrifiad o'r fath a geir yn y llwyth; a

(b) y ffi a bennir yng ngholofn 4 o'r tabl mewn cysylltiad â gwiriad adnabod o blanhigion, cynhyrchion planhigion neu wrthrychau eraill o bob disgrifiad o'r fath a geir yn y llwyth.”;

(c) yn lle paragraff (2B) rhodder—

“(2B) Mae'r ffioedd a bennir o dan baragraff (2A) mewn cysylltiad ag atebolrwydd i gynnal gwiriad ffisegol a gwiriad adnabod o flodau wedi eu torri, ffrwythau, llyisiau neu ddail yn daladwy mewn cysylltiad ag un lot o'r math o dan sylw.”;

(d) yn lle paragraff (2C) rhodder—

“(2C) Pan fo llwyth yn cynnwys dau neu ragor o blanhigion, cynhyrchion planhigion neu wrthrychau eraill sy'n dod o fewn un categori a bennir yng ngholofn 1 o'r tabl, y ffi sy'n daladwy o dan baragraff (2A) mewn cysylltiad ag atebolrwydd i gynnal gwiriad ffisegol neu wiriad adnabod o'r planhigion, y cynhyrchion planhigion neu'r gwrthrychau eraill o fewn y categori o dan sylw yw—

(1) O.S. 2018/1179 (Cy. 238), a ddiwygiwyd gan O.S. 2019/1378 (Cy. 244), O.S. 2020/44 (Cy. 5), O.S. 2020/1628 (Cy. 342), O.S. 2021/713 (Cy. 181) ac O.S. 2022/149 (Cy. 47).

- (a) i'r graddau y mae'r llwyth yn cynnwys dau neu ragor o lotiau naill ai o flodau wedi eu torri neu o ffrwythau, llysiâu neu ddail—
 - (i) y ffi sy'n daladwy mewn cysylltiad ag un lot o flodau wedi eu torri neu o ffrwythau, llysiâu neu ddail (yn ôl y digwydd); neu
 - (ii) pan bennir symiau gwahanol mewn perthynas â'r lotiau o dan sylw, ffi sy'n cyfateb i'r ffi uchaf mewn perthynas ag atebolrwydd am wiriad ffisegol neu wiriad adnabod (yn ôl y digwydd);
- (b) i'r graddau y mae'r llwyth yn cynnwys unrhyw blanhigion eraill, unrhyw gynhyrchion planhigion neu unrhyw wrthrychau eraill sy'n tarddu o'r un wlad—
 - (i) y ffi sy'n daladwy mewn cysylltiad ag un planhigyn, cynnyrch planhigion neu wrthrych arall o unrhyw un o'r disgrifiadau o dan sylw; neu
 - (ii) pan bennir symiau gwahanol mewn perthynas â'r planhigion, y cynhyrchion planhigion neu'r gwrthrychau eraill hynny, ffi sy'n cyfateb i'r ffi uchaf mewn perthynas ag atebolrwydd i wiriad ffisegol neu wiriad adnabod (yn ôl y digwydd).”;
- (e) hepgorer paragraff (2D);
- (f) yn lle paragraff (2E) rhodder—

“(2E) Nid yw ffi yn daladwy o dan baragraff (2A) mewn cysylltiad ag unrhyw lwyth sy'n tarddu o un o Aelod-wladwriaethau'r UE, Liechtenstein neu'r Swistir a fewnforir cyn diwedd y cyfnod graddoli trosiannol, mewn cysylltiad ag unrhyw blanhigion neu gynhyrchion planhigion a bennir yn Atodlen 2A a geir yn y llwyth hwnnw.”
- (g) ar ôl paragraff (2E), mewnosoder—

“(2F) Pan fo arolygydd yn amau bod llwyth o drydedd wlad wedi ei heintio â phla planhigion a reolir ac yn cymryd sampl o'r llwyth er mwyn cynnal profion labordy i gadarnhau pa un a yw'r pla yn bresennol, y ffi sy'n daladwy gan fewnforiwr y llwyth o drydedd wlad yw £147.35 ar gyfer pob sampl a brofir.

(2G) At ddibenion y rheoliad hwn, y tabl ac Atodlen 2A—

 - (a) ystyr “dail” yw llysiâu, perllysiâu a sbeisys, i'r graddau y maent ar ffurf dail gyda neu heb goesynnau neu goesau ynghlwm, a dail rhydd unrhyw blanhigion eraill;
 - (b) ystyr “llysiâu”, ac eithrio yn is-baragraff (a), yw llysiâu ac eithrio i'r graddau y maent ar ffurf dail.”;
- (h) yn lle paragraff (3) rhodder—

“(3) Yn y rheoliad hwn—

 - (a) ystyr “categori”, mewn perthynas ag unrhyw beth a bennir yng ngholofn 1 o'r tabl yn Atodlen 1, yw grŵp a restrir yng ngholofn 1 mewn print trwm;
 - (b) ystyr “pla planhigion a reolir” yw pla cwarantîn Prydain Fawr, pla cwarantîn Prydain Fawr dros dro, pla cwarantîn ardal sy'n rhydd rhag plâu neu bla nad yw'n bla cwarantîn Prydain Fawr a reoleiddir(2);
 - (c) ystyr “disgrifiad”, mewn perthynas ag unrhyw beth a bennir yng ngholofn 1 o'r tabl yn Atodlen 1, yw'r disgrifiad penodol y pennir ffi mewn cysylltiad ag ef;
 - (d) ystyr “lot” yw un uned neu ragor o un nwydd, y gellir ei adnabod drwy gydrywiaeth ei gyfansoddiad a'i darddiad, sy'n ffurfio rhan o lwyth;

(2) Diffinnir “GB quarantine pest”, “GB regulated non-quarantine pest”, “PFA quarantine pest” a “provisional GB quarantine pest” yn Erthygl 2(32), (33), (37) a (40), yn y drefn honno, o EUR 2016/2031 (a ddiwygiwyd gan O.S. 2020/1482). Mae'r diffiniadau hynny yn gymwys at ddibenion O.S. 2018/1179 (Cy. 238) yn rhinwedd rheoliad 2(2) o'r O.S. hwnnw.

- (e) ystyr “y tabl” yw’r tabl yn Atodlen 1;
 - (f) ystyr “llwyth o drydedd wlad” yw llwyth a gyflwynir i Gymru o drydedd wlad;
 - (g) mae i “y cyfnod graddoli trosiannol” yr ystyr a roddir i “the transitional staging period” yn Atodiad 6 i Reoliad (EU) 2017/625 Senedd Ewrop a’r Cyngor ar reolaethau swyddogol a gweithgareddau swyddogol eraill a gyflawnir i sicrhau y cymhwysir y gyfraith o ran bwyd a bwyd anifeiliaid, rheolau ynghylch iechyd a lles anifeiliaid, iechyd planhigion a chynhyrchion diogelu planhigion(3).”.
- (3) Yn rheoliad 5A (gwasanaethau tystysgrifau allforio a gwasanaethau cyn-allforio: ffioedd), ym mharagraff (4B), yn lle “2022” rhodder “2023”.
- (4) Yn lle Atodlen 1, rhodder yr Atodlen 1 a geir yn Atodlen 1 i’r Rheoliadau hyn.
- (5) Hepgorer Atodlenni 1A a 2.
- (6) Yn lle Atodlen 2A, rhodder yr Atodlen 2A a geir yn Atodlen 2 i’r Rheoliadau hyn.

13 Gorffennaf 2022

Julie James
Y Gweinidog Newid Hinsawdd, un o
Weinidogion Cymru

(3) EUR 2017/625. Mewnosodwyd Atodiad 6 gan O.S. 2020/1481 ac fe’i diwygiwyd gan O.S. 2021/429, O.S. 2021/809, O.S. 2021/1096 ac O.S. 2021/1443.